



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Tribvs Dagobertis Francorvm Regibvs Diatriba
Godefridi Henschenii E Societate Iesv**

Henschenius, Godefridus

Antverpiae, 1655

VII Regnu[m] Austrasianum Dagoberti. Bellum in confiniis inter eum &
Theodericum Regem Neustriae & Burgundiae.

urn:nbn:de:hbz:466:1-9599

quo aliud D. Thomae sacrum cœnobium Scottis accipiendis ab eodem intra urbem Argentoratensem collatum esse tradit ex veteribus schedis Coccii. Guillmannus de Episcopis Argentinensibus, eius operâ, ait, & auctoritate constructum Argentinæ Scottis monachis & peregrinis primò diuersorum, siue hospitale, (ut vocant vetera monumenta legum) post etiam templum in honorem D. Thomæ Apostoli, quod postremo in collegium Canonicorum conuersum, multis viris egregiis quondam refertum, & unde nonnulli Episcopi sumpti. Hæc ibi. Potuit initio S. Florentius in Haselaciensi cœnobio, in quo sepultus est, Scotos etiam monachos admisisse.

Translato ad Haselacenses S. Florentij cœnobitas Kirchemio, DAGOBERTVS Rex aut habitauit Argentorati, vbi in palatio regio Lotharius Imperator, eiusque frater Ludouicus Rex Germaniæ signarunt diplomata, à Guillimanno edita lib. I de Episcopis Argentinensibus cap. 5, aut certè ad regnum Austrasiorum, de quo iam agemus, administrandum tunc fuit euocatus.

V L I

Regnum Austrasianum DAGOBERTI. Bellum in confiniis inter eum & Theodericum Regem Neustriae & Burgundie.

VAcuum annorum XL interuallum in Annalibus Chronicisque Regum Francorum repertum, alto silentio inuoluit regnum Austrasiorum à Dagoberto aliquot annis administratum: quod tamen adstruunt genuina diplomata, aliaque antiquorum scriptorum sincera monumenta.

M 2

Occiso

HILDE

Occiso Childerico, gratissimo Austrasiis Rege, Vulfoaldus eius etiam apud Neustrios Maior-Domus per fugam vix evasit, & ad Austrasios reuersus est. Theoderico dein à Neustriis Burgundisque ad regnum reuocato, Austrasij, ab his eorumque Rege auersi, Chlodoueum quemdam, qui Chlotharij III credebatur filius, sibi Regem constituant, & Ebroinum, olim eiusdem Chlotharij Maiores-Domus, illius palatio præficiunt, famâ diditâ ad maiorem regni huius securitatem, Theodericum mortuum esse. Verum Ebroinus spiritu superbiæ tumidus, flagitorum sociis adiunctis in Neustriam irrupit, ac pristinam, ut diximus, apud Theodericum dignitatem recuperavit. Tunc, inquit Vrsinus in Vitâ S. Leodegarij, *Rector palatij & Maior-Domus effecitus, cogitare cœpit de vlciscendis inimicis, qui eum habere Subregulum noluisse.* Itaque instar leonis rugientis per Francorum terras rugitus eius insonuit: cunctiq; qui olim aduersus eum egabant, qui tamen cædem effugere potuere, fugæ præsidia captarunt. At Austrasij, perspectis Ebroini insidiis, reiectoque Chlodoueo, quem is falso Regem statuerat, videntur legitimum regni Austrasiorum hæredem euocasse DAGOBERTVM II, S. Sigeberti filium, cuius mater Imnechildis ad ea usque tempora superstes pro Childerico regnum hæstenus præclarè administrârat. Et hac ratione DAGOBERTVS, qui Alsatia finitimusque ditionibus solum potiebatur, videtur ab Optimatibus oblatum patris Sigeberti regnum, id est, totam Austrasiam potius accepisse, quam armis ac vi bellicâ subegisse. Quod factum esse labente anno 1008 arbitramur. Hoc noui belli Austrasios inter & Neustrios excitandi semen fuit: quod annis sequentibus à Regibus Theoderico & DAGOBERTO gestum est. Non tamen eas obtinuisse provincias videtur DAGOBERTVS, quæ trans Ligerim sitæ, olim

olim ad Reges Austrasios pertinebant.

Colitur xx Septembris S. Salaberga Abbatissa, anteà bis nupta : Ricranno primùm, quo post duos menses mortuо, et si inter sanctimoniales montis Vosagi reliquam agere vitam præoptabat, tamen, ne Rex DAGOBERTVS offendetur, data est à Gunduino patre, Blandino, cognomento Basoni, Principi aulæ regiæ, coniux : cui & genuit duos filios, Eustasium, intra pueriles annos defunctum, & S. Balduinum, ac tres filias, Saretrudam, Ebanem & S. Aufrudem. Verūm marito dein ad vitam sanctiorem conuerso, liberisque Deo sacratis, religionis vestem assumpsit, vti legitur in Vitâ eius MS. quam habemus ex codice Longpontico à Nicolao Belfortio descriptam, cuius partem edidit Andreas Chесnæus tomo i Scriptorum historiæ Francorum paginâ 647, quam auctor coætaneus inscripsit S. Austrudi Abbatissæ, eius filiæ , quæ illi , inquit auctor, in curâ & regimine Sororum processu temporis, cunctâ annuente eateruâ, successit. Quæ hactenùs Christo auspice, diuinis pollens priuilegiis , nunc supereft. Hæc auctor ille, qui dein bella inter Theodericum & DAGOBERTVM in confiniis vtriusque regni gesta ita narrat.

Cœnobium puellarum in suburbio Lingonicæ urbis in hereditate vel successione paternâ conatur extruere. Ad quod opus peragendum venerabilis VValbertus solamen, artificesq; ac viros industrios præbuit atque commisit. Qui locus licet Austrasiorum finibus immineret, vicinus tamen Burgundie erat, distans à Luxouio monasterio, paullò minus millibus quadraginta. Ibiq; adunatis centum, seu amplius , tam ex nobilium liberis, quam ex proprio officio puellis, illum Christo Domino dicauit. Sed cum iam pars maxima fabricæ monasterij instructa esset, cœpit famula Christi præsaga, utpote Spíritu Dei repleta , sagaci cum viro trutinare animo, non esse in eodem loco puellarum cœnobium iutum, nihilq; stabilitatis habere munitionisq;

nitionisq; locum. Nam licet barbaries procū abesset, Regum tamen limitibus hinc inde admixtis, periculi indicium futuris temporibus erat: quod periculum nos deinceps vidimus. Denique nuper ciuile bellum inter Reges Francorum THEODERI CVM & DAGOBERTVM circa illos fines est actum, loca vicina quoque depopulata, agri, villa, aedes, & ipsa, quod grauius est, Sanctorum corpora igne sunt cremata. Vnde liquidō patet diuino eam Spiritu fuisse imbutam, quæ pridem anticipauit discrimen.

Hæc Acta illa & MSS. & vulgata à Chesaño, cum illustri rerum dictarum comprobatione, nec minore nostræ Chronologiæ consensu. S. Salaberga tempore Dagoberti Regis nupta, liberos quinque marito peperit: thoro seiuncta, dictum cœnobium in suburbio Lingonensi cœpit extruere, sed, ut auctor Vitæ habet, prolibus antè Deo sacratis, & religionis ueste acceptâ. Qui eam in extruendo monasterio adiunxit S. Walbertus, Luxouensis Abbas, dedit etiam S. Theoffridum primum Abbatem Corbeiensibus, postulante S. Bathilde Reginâ illius fundatrice. Verùm eo dein loco relicto, Laudunum migravit Salaberga, ab vrbis illius Episcopo Attelano benignè excepta. Fuit hic Episcopus cùm Chuniberto Colonensi, Gilaldo Virdunensi & Theofrido Tullensi, in concilium adhibitus à S. Sigeberto Rege Austrasiorum, quando hic extractis à se monasteriis Stabulao & Malmundario vicinas filias & alia circumquaque loca donauit, cùm istic S. Remaclus, reliquo Episcopatu Traiectensi, Abbas præfasset, post annum 13CLX, ut alibi demonstrauimus. In extracto tunc Lauduni monasterio, intra exigui temporis spatum, inquit auctor Vitæ, adunatae ibi sunt plus minus trecentæ famulæ Christi: interque eas Odila, nupta Leudino, cognomento Bodoni, fratri seniori S. Salabergæ, qui incisa cæsarie, monachi agebat officium, dein Tullensem adeptus Episcopatum

scopatum est: cui Eborinus successit, quem suprà diximus cum S. Numeriano Episcopo Treuirensi tempore Childecrici Regis vixisse. Mortuâ S. Salabergâ, successit, ex eius designatione, filiarum iunior S. Austrudis, annostum viginti nata, post fugam nuptiarum Deo sacrata: vti traditur in Vitâ S. Balduini fratris, VIII Ianuarij. Fuisse S. Balduinum Archidiaconum Seculphi Laudunensis Episcopi, ac videri temporibus Ebroini interfactum esse, eiusque funeri S. Anstrudem Abbatissam interfuisse, ibidem diximus. Successit Seculpho Omatarius Episcopus Laudunensis, cui, vna & S. Anstrudi Abbatissæ, & Salabertæ, inscripsit Vitam S. Salabergæ auctor coævus, vt quæ narrat ciuilia bella Regum Theodorici & DAGOBERTI, non potuerit non accuratè nosse. Omittitur hic *Omatarius* à Claudio Roberto, nisi forsitan sit, quem *Madalgarium* appellat, aitque sedisse tempore Pippini Principis: Pippinum autem ab anno 10CLXXXVII Maiorem Domus apud Austrasios fuisse constat.

VII I

Diploma monasteriis Stabulao & Malmundario à DAGOBERTO anno IV regni Austrasiani, Chr. 10CLXXXIV signatum.

INter illustriora monasteria à S. Sieberto patre DAGOBERTI extuncta, eminent Stabulaus & Malmundarium, ut dictum ad illius Vitam Kalendis Februarij. DAGOBERTVS, factus Austrasiorum Rex, eisdem monasteriis donationem à patre suo factam confirmauit. Cuius h̄c tabulas adiungimus,